

Akiitsut allagartaat pillugit Kalallit Nunaannut inatsimmut nalunaarut.

Matumuuna saqqummiunneqarpoq akiitsut allagartaat pillugit inatsit, pigisat pillugit inatsisit aalajangersimasut il.il. pillugit Kalaallit Nunaannut atortuulersinneqartoq inatsimmi nr. 104 marsip 31-anni 1965-imeersumi § 1, nr. 9-kkut allannguutit peqqussutikkut nr. 586 novembarip 19-ianni 1973-imit kingunerusut aamma peqqussut nr. 350 juulip 14-ianni 1980-ikkut.

Kapitali 1

Aalajangersakkat ataatsimoorutaasut

§ 1. Akiitsut allagartaannik atulersitsisup taamaaliornermigut avaqqutinngilaa akiitsut allagartaannik atulersitsinermut tunngasumik inatsisitigut pissutsit pillugit akerliulluni nalunaarnerit, imaassimangippat allatigut isumaqatigiissuteqartoqarsimasoq imaluunniit pissutsit immikkut ittut kingunerannik pisoqarsimasoq.

§ 2. Akiitsut allagartaat arlalinnit atulersinneqarsimappat, atulersitsisut ataasiakkaarlutik aamma tamarmik ataatsimoorlutik pisussaaffeqarput, immikkut allatut isumaqatigiissuteqartoqarsimangippat.

Imm. 2. Arlaata akiligassat akilersimagunigut akiitsoqataasunit tamanit taakkua akilernissaat piumasarisinnaavaa. Akiitsoqartut ilaat akiitsuminik akiliisinnarpasinnangippat imaluunniit sumiinnera naluneqarpat, allat namminneq taassuma akilersimangisaanik naammassinnissinnaapput. Tamanna aamma atuuppoq nammineq akiligassani ullut 14-it nallertinnagit akilersimangippagit, tamatuminnga peqqusissut saqqummiunneqareersimappat imaluunniit inussiarnersumik taassumunnga nassiunneqarsimappat.

§ 3. Sumi akiliisoqassanersoq isumaqatigiissutigineqarsimangippat akiliineq isumannaarneqassaaq pisasaqartup najugaani imaluunniit, taanna ingerlatsiviuteqartuusimappat, ingerlatsiviani. Pisasaqartoq nunamut allamut nuussimappat akiliineq naammassineqassaaq siornatigut akiliiffigisimasami.

Imm. 2. Pisasaqartulli piumasarisinnaavaa akiliineq naammaassineqassasoq allami nunami akiliinerup naammassineqarfissaani, tamanna akiitsulimmut pingaarutilimmik ajoqutaassannangippat aningaasaajaatananilu.

Imm. 3. Pisasaqartoq nuussimappat imaluunniit akiligassaq akiitsullip sumi akiliinissamik sianiginngisaanik nuutsinneqarsimappat, tamatuma malitsigisaanik akiliinissamik kinguaattoorneq akiitsulimmit akisussaafigineqassanngilaq. Pisasaqartup aningaasartutit annaasallu akiitsullip akiitsorisimasai akilertariaqassavai, akiitsullip allannguineq ilisimasimangimmagu.

§ 4. Akiitsulli allagartaannik tigumminnittumit atulersinneqartunik akiliineq naammassineqartassaaq akitsoqarfiusup ingerlatsiviani, allamik immikkut isumaqatigiissuteqarsimatinnagu.

Imm. 2. Malittarisap pissuseqataa atuutissaaq akiitsut allagartaannut akiitsut allagartaannut amerlasuunut ataatsimut assigiimmik allagartalerlugit saqqummiunneqarsimasunut (akiliitsut allagartaannut amerlasuunut), imaluunniit aningaasat uninngatitat aningaaserivinnit allanillunniit atulersinneqarpata, taakkunani suliat ilagisimappassuk aningaasanik uningatitanik tiguisinnaaneq.

§ 5. Akilersuinissamat piffissalikkamik isumaqatigiissuteqartoqarsimatinnagu akiitsulik pisussaavoq akiitsuminik akilersuissalluni, pisasaqartup piumasarigaangagu, qaqugukkulluuniillu akiliisinnaatillugu.

Imm. 2. Akiligassat uppernarsaataa naaffissaa imaluunniit eqqortumik akiliiffissaq nalliuttuusimappat imaluunniit inatsisitaarfimmi juunip 5-ianniusimappat, akiliinissap naaffissaa kinguartinneqassaaq ullumut suliffiusumut tullermut. Tamanna aamma atuuppoq akiligassanut uppernarsaat killiliussatut aalajangiussaasimasoq ullormi nalliuttumi inatsisitaarfimmiluunniit ulloqarsimappat.

Imm. 3. Akiligassanik akiliinissaq juunimi (11-anni) imaluunniit decembarimi (11-anni) akiliiffissaatitaasumi, ulloq 11-at naatsorsuunneqassaaq akiliiffissaatut kingullertut, kisianni akiliinerit kingusinnerpaamik 18-ianni pisut, imaluunniit taanna ulloq nalliuttuusimappat, qaammatip ulluisa 19-ianni, eqqortutut isigineqassaaq. Akiligassanut uppernarsaatinut allanut akiitsulik taamaallaat kinguartitanik akiliisinnaavoq tamatumani ulluliussat isumaqatigiissutigineqarsimappata.

§ 6. Pisassaqtup pissusiata akiliinissaq akornusersimappagu akiitsulik akornutip atuunnerani ernianik akiliissanngilaq, naak akiitsut siumoortumik ernialigassaagaluartut.

Imm. 2. Akornutip immikkut pissusiata kingorna pisassaqtup piumasaqaatigippagu akiitsullip aningaasat aningaaserivimmuut sparekarsimullunniit ikissagai, piumasaqaateqartoq matussuertariaqarpai tamatumuuna suut iluarsiissutaanersut.

§ 7. Akiitsut allagartaat aningaasat sumiiffimmi akiliiffiusumi atorsinnaanngitsuuppata, allatut isumaqatigiissuteqarsimatinnagu akiliineq pisassaaq aningaasat akiitsut allagartaanni pineqartut atorlugit, imaluunniit sumiiffigisap aningaasai atorlugit ullormi akiliiffiusumi nalingi malillugit.

Imm. 2. Akiitsulik akiitsut allagartaannik, aningaasanik sumiiffimmi aningaasat akiliiniarnermi atorsinnaanngiffianni, piffissaq eqqorlugu akiliinngippat aamma akiitsut allagartaanni aningaasat nalingat apparsimappat, piumasaqaatilik piumasaqarsinnaavoq annaasimasaminik taarsiivigitinnissamik. Pisut annaasat allatut nalunaarsinnaanerannik tungavissaqanngitsillugu, piumasarinnaavaa aningaasanik sumiiffimmi akiliiffiginiarneqartumi atorsinnaasunik akiliteqar-nissaq, ullormi akiligassat akilersimaffigisassaraluanni nalingi atorlugit.

Imm. 3. Aningaasalli ullormi nalingi taarserneqassanngillat, kinguarsaaneq piumasaqaateqartup pissusilersorneranik peqquteqarpit imaluunniit pissutaasimappata inatsiliornermi aqqissuinerit, tamanut angallaviit unittoorneri pisimap-pata assigisaallunniit akornutit qaangeruminaatsut akiligassallip qanoq iliuuseqarfigisimasinaanngisai akiitsut allagar-taannik atulersitsinermini.

§ 8. (atukkunnaarpoq)

§ 9. Akiitsut allagartaat pigisanut qularnaveeqqutitulluunniit nuunneqarpit, nuussisup isumagissavaa piumasaqaatip attuuttuarnissaa. Tamannali atuutinngilaq tunissutini aamma pissarsisup nalunngippagu piumasaqaat atuutinngitsaq, imaluunniit tamanna pasinartuutissallugu tunngavissaqaruni.

§ 10. Akiitsut allagartaannik nuussisup, tamanna suliarigaangamiuk, akisussaaffigisassaaraa taamaallaat akiligas-sallip tatigisassaassusia.

Kapitali 2

Pigisat nuunneqartut akiitsoqarfigineqarnerinut allagartaat

§ 11. Kapitalimi matumani malittarisassat atulersarput pigisat nuunneqartut akiitsoqarfiginerinut allagartanut.

Imm. 2. Pigisat nunneqartut akiitsoqarfigineqarnerinut allagartat tassaapput:

1. Akiitsut allagartaat tigumminnittumit akiligassat imaluunniit akiitsut kimit akilerneqassaneri nalunaarneqanngitsut (tigumminnittut akiitsuinut allagartat).
2. Akiitsut allagartaat inummit aalajangersimasumit akiligassat imaluunniit isumaqatigiissuteqarnikkut akiitsut (isumaqatigiissuteqarnikkut akiitsut allagartaat).
3. Akiitsut allagartaat pigisamik nalilinnik imaluunniit umiarsuarmik timmisartumillunniit qularnaveeqqusikkat, immaasimannngippat akiitsut allagartaanni ilaliunneqarsimasoq "isumaqatigiissutaanngitsut" imaluunniit nangaassutit assingusut.
4. Akiitsut allagartaat inummut aalajangersimasumut akilerneqartussat (akiitsut allagartaat atilikkat), nassuitsumik nalunaarisut tassaassasut pigisat nuunneqartut akiitsoqarfigineqarnerinut allagartat.

§ 12. Tigumminnittut akiitsuinut allagartat nalunaarneqarsimappat pisassaqtartoq imaluunniit inuk aalajangersimasoq imaluunniit isumaqatigiissut, tassaajuassapput pigisat nuunneqartut akiitsoqarfigineqarnerinut allagartat, imaassimanngippat atiliineq akiitsulimmit atsiorneqasimasoq imaluunniit pisinnaasimasoq akiitsut allagartaat periarfissiissuti-galugu.

Imm. 2. Akiitsut allagartaat amerlasuut tigumminnittumut allagartaligaasimasut imaluunniit inummut aalajanger-simasumut imaluunniit isumaqatigiissutit tassaajuassapput pigisat nuunneqartut akiitsoqarfigineqarnerinut allagartat naak akiitsulimmit atermik nalunaarineqaraluartoq. Malittarisassat immikut ittut inatsisip matuma kapitaliini 5-imi aamma 6-imi nassuiaatigineqassapput.

§ 13. Tigumminnittut akiitsuinut allagartani ilimagineqassaaq akiitsut allagartaannik tigumminnittoq pisassaq atuutsin-iarlugu pisinnaatitaasussaasoq. Pigisat nuunneqartut akitsoqarfigineqarnerinut allagartani allani ilimagineqassaaq

pisaarnissamik pisinnaatitaasusaaq tassaassasoq akiitsut allagartaannik tigumminnittoq, namminerminut piukkuneqarsimappat imaluunniit nuunneqarsimappat taassumunnga allakkatigut nuussinermi tiguminnittumut, tulleriissiterinermi ersitsumut, nunneqarsimappat.

§ 14. Tigumminnittut akiitsuinut allagartaq tigumminnittumit pigisassatut imaluunniit qularnaveeqqutitut nuunneqarsimappat, aamma piginnilersup akiitsut allagartaat tigusimappagu, tamanna pisinnaatitaanerani akornusiinngilaq nuussisoq nammineersinnaalersimangitsuuppat imaluunniit akiitsut allagartaannik tigummissalluni pisinnaatitaangippat, imaassimangippat pissarsisup tamanna nalunngikkaa imaluunniit pissutsit piumasaqaataattulli sissuersimangikkaa.

Immi. 2. Pigisat nuunneqartut akiitsoqarfigineqarnerinut allagartani taamatulli atuupput nuussineq ingerlanneqarsimappat § 13 malillugu pisaartussatut pisinnaatitaasutut, imaluunniit inummit tunngavissaqartumik ilimagineqartumit kinaassusia taannaasoq imaluunniit taanna sinnerlugu piginnaatitaasoq. Nuussisup siusinnerusukkut nuussinernut pisinnaatitaanani illersorpagu, pisaartussap taakkua piviususiat atuutissusiallu misilittariaqanngilai, immaasimangippat pissutsit taamaaliornissamat tunngavissiisut.

Immi. 3. Akiitsut allagartaanni amerlasuuni nalunaarneqarsimangitsunut allassimasoqarpat tigumminnittumut sammitinneqartunik atilerlugillu pissarsiarineqarsinnaanatik, pisaartup tamakku naatsorsuutigissanngilai.

§ 15. Nuussinikkut pigisat nuunnerini akiitsoqarfigineqartunik allagartanik pisinnaalersimasumut tigusisimasumullu, tunniussisup atuutsissinnaanngilaa akiitsut allagartaat atuutinngitsuusoq inatsit nr. 242 maajip 8-anni 1917-immeersumi isumaqatigiissutinut inatsillu malillugit niueqatigiinnerit pigisat nalillit pillugit inatsimmi §§ 29-mit 33-mut naaportorlugit malittarisassat, imaluunniit taassumunnga atsiorneqareerluni taassuma piumasaa malinnagu saqqummiunneqarsimasooq, akiliutissaq isumaqatigiissutaasimasooq tigusimangikkini imaluunniit akeryliliinerit allat inatsimmi pissutsineersut pissutaasut akiitsut allagartaata atuutsinneranut, akiliut nuussineq sioqqullugu, imaluunniit allatigut akiitsoqarneq unissimasooq imaluunniit isumaqatigiissutikkut allanngortinneqarsimasooq, akiligassat ilanngullugit naatsorsuinikkut, atorunnaarsitsinikkut eqqartuussutikkulluunniit.

Immi. 2. Akerliunerli ajorsarnerussanngilaq piginnilersup nalunngippagu pisunik pisoqarsimasooq akeryliliinerup tapersuutigisinnaasaanik, imaluunniit taamaassinnaaneranut pasinartumik.

Immi. 3. Akiitsut allagartaat piialertorneqarsinnaangitsumik allagartalerneqarsimappat akiliineq pissuserluunniit alla pillugit akerliussummut tapersuutaasinnaasumik, akeryluneq atatiinnarneqassaaq, naak allagartaliineq nuussineq sioqqullugu peerneqarsimagaluarpat.

§ 16. Akiitsoqartup erniat nuussineq sioqqullugu killilikkat akilersimagunigit, tamanna piginnittumut atuutsissinnaavaa ajunngitsumik siunertaqarluni. Aamma atuutsinnassavaa erniat akilernissaannut akiitsut allagartaat malillugu nuussineq sioqqullugu akilereersimasassat pillugit akerylunerit allat.

Immi. 2. Malittarisat taakkuttaaq atuupput akilersukkanut akiitsut allagartaat malillugu piffissani aalajangersimasuni akilersugassanut.

§ 17. Atulersitsisup nammineq tigusisumut ajunngitsumik isumaqarluni oqaatigisinnaavaa akiitsut allagartaat eqqunngitsuusoq imaluunniit eqqunngitsunngorsagaasoq, nammineq atini sinnerlugu tamatumunnga piginnaatitsissummik peqarani imaluunniit persuttaalluni pinngitsaaliinikkut atuutinngitsoq (inatsit nr. 277 juunip 30-anni 1922-meersoq nammineersinnaannginneq aamma nammineersinnaanngitsumik nakkutigininneq pillugit § 65), akiitsut allagartaat nungussimasutut atuutinngitsutullu, imaluunniit piumasaqaat atorunnaarsimasooq allanngortinneqarsimasorluunniit inatsisiliornerup inissiineq, pisoqalineq, piumasaqarsinnajunnaarneq imaluunniit akuerineqartariaqartumik isumaqatigiissummik malittarisassarititai malillugit.

§ 18. Pigisat nuunneqartut akiitsoqarfigineqarnerinut allagartanik pigiligassatut qularnaveeqqutitulluunniit nuussinikkut tigusisimasup taamaallaat piumasarisinnaavaa pisassat ilanngullugit naatsorsorneri nuussisumit piumasaqaatit, piginnilersup nalunngippagu akiitsulik piumasaqaateqartoq pisassat ilanngullugit naatsorsuinermit atorsinnaasunik, aamma nuussinermi annaasaqassasoq, pisassat ilanngullugit naatsorsuisoqanngippat.

Immi. 2. Piumasaqaatinik pisassat ilanngullugit naatsorsuinermit periarsinnaaneq inatsisitigut pissutsinit akiitsut allagartaannik piumasaqaatitulli aallaaveqartoq taamaattoq atatiinnarneqassaaq nuussineqaraluarpuunniit, imaassimangippat taassuma tamanna nalunngikkaa imaluunniit pissutsit piumasaqaataat malillugit sissuersimangikkaa, pinaveersaarnerlugu aningaasat inussarinngisaminnut pinissaat.

§ 19. Akiitsullip tigumminnittup akiitsuinut allagartaq tigumminnittumut akilersimappagu, pisussaaitaajunnaassaaq naak tiguisoq nammineersinnaanngikkaluortoq imaluunniit akiliummik tiguisissalluni pisinnaatitaanngitsoq, imaassimanngippat tassuma tamanna nalusimanngikkaa imaluunniit pissutsit piumasaqaataat malillugit sissuersimanngikkaa, pinaveersimaniarlugu aningaasat inussarinngisaminnut pinissaat.

Imm. 2. Pigisat nuunneqartut akiitsoqarfiginerinut allagartanut assinga atuuppoq, akiliineqarsimappat inummut § 13 malillugu ilimagineqartumut piumasaqaammik atuutsitsisusstat, imaluunniit inummut tunngavissaqartumik ilimagineqartumut kinnaassutsimigut taannaasumut imaluunniit akiliummik tiguisinnaanermut piginnaatitsissummik taassumanga pisimasumut. Tiguisup siornatigut nuussinerusartunut pisinnaatitaanini taperserpagu, akiitsullip misilittari-aqanngilaa taakkua ilumoortuussusiat imaluunniit atuuttuusinnaanerat, imaassimanngippat pisut taamaaliornissamik pilersitsisut.

§ 20. Pigisat nuunneqartut akiitsoqarfiginerinut allagartaq pigisassatut imaluunniit qularnaveeqqutitut nuunneqarsimappat, akiitsullip pisussaajunnaanermik kinguneqartumik nuussisumut akilersinnaavai erniat akiligassartaat, imaassimanngippat nalunngikkini taajingga akiliummik tiguisissalluni pisinnaatitaajunnaarsimasoq, imaluunniit taamatut pasissallugu tunngavissaqarluni. Akilersukkanut akiitsut allagartaat malillugu piffissani aalajangersimasuni akilereersimasartussanut tamanna aamma atuuppoq.

Imm. 2. Qularnaveeqqusiisumit imaluunniit akiitsut allagartaannik akiitsulimmit allaasunut nuussineq pisussaajunnaarsitsinngilaaq, imaassimanngippat akiliisoq akiitsulillu ajunngitsumik siunertaqarlutik iliortut.

Imm. 3. Akiitsunut allagartanut pisassaqartup peqataannginnerani akiitsulimmut allamut nuussimasoq, tamanna pisussaajunnaarsitsissaaq nuussisumut akiliinikkut, imaassimanngippat taanna aamma siornatigut ajunngitsummik siunertaqarluni akiitsuliusimasoq imaluunniit inummut akiitsut allagartaannik nussivigineqarsimasumut taassuma nalunngikkaa pisussaaffik akiitsulimmut allamut nuussimasoq.

§ 21. Akiitsulik pisussaaffeqarpoq taamaallaat akiitsut akilernissaannut akiitsut allagartaannik tunniussinikkut. Tigumminnittumut akiitsut allagartaat pineqarsimanngippat, akiitsullip aamma piumasarisinnaavaa akiitsut allagartaannut uppersaat.

Imm. 2. Akilersukkanik akiitsut allagartaat malillugu aalajangersimasumik akiliisarfissanik nalunaarsukkani akiliiffissamik qaangiilluni akiliiguni, taamaallaat piumasarisinnaavaa immikkut uppersaaserneqarnissaaq. Akilersukkat allat aammattaq akiitsut allagartaannik piujunnaarsinneqarsinnaapput.

Imm. 3. Akiitsullip soqutigisariguniuk piumasarisinnaavaa pisassallip akiitsut allagartaat uppersaammik nalunaaqutseraa akilersukkat akilernerqarsimasut pillugit.

Imm. 4. Akiitsut allagartaat atorunnaarsinneqarpat akiitsullip piumasarisinnaavaa tamanna allagartalerneqassasoq.

§ 22. Pigisat nuunneqartut akiitsoqarfiginerinut allagartap qularnaveeqqusiissutaanera atuuffeqanngilaaq pisassallip akiligassaqarfiinut, imaassimanngippat pisassallip akiitsut allagartaat tigummissimagaa.

§ 23. Akiitsut allagartaannut amerlasuunut ernianik allattuiffiit tigumminnittumut akiitsut allagartaannut inatsisip malittareqqusai malippaat.

Imm. 2. Aalajangersakkat akiitsut allagartaasa ataatsimut allassimaffiat pituttuisuvoq nalunaarsuummik pissarisumut. Aamma naammagisaqariaqarpaa akerliusut akiitsut allagartaat nalunaarsuiffimmut atasoq atuutinngitsuummat, atulersitsisumit saqqummiussaanninnami.

Imm. 3. Akiitsut allagartaat ataatsimut allagartamik periarfissiissuteqarluni peerneqarsimappat allatigullunniit tamakkerlugit akiliinermut ilagitinneqarsimappat nalunaarsuutit kingusinnerusut akilernissaannut pisussaaffeqanngilaaq.

Imm. 4. Akiitsullip piumasarisinnaangilaa § 19, nammineq akiligassani nalunaarsuummik immikkut sinniilluni akilereersimaffissaa qaammat ataaseq sinnerlugu akilersimaguniuk. Nalunaarsuut nuunneqarpat piffissap tamatuma iluani §§ 14 aamma 15 atuutissanngillat.

Imm. 5. Nalunaarsuutit akiitsut allagartaannut ilagitillugit nuunneqarpata pisassalik nalunaarsuutit pisinnaaffeqarnerunngilaaq akiitsut allagartaannut pisinnaaffimmisuulli.

§ 24. Iuanaarutiniq nalunaarsuutit aktiat allagartaannut uppersaatit allatullunniit ingerlatsivimmilunniit pigineqataanermut uppersaatit taamatulli tigumminnittumut akiitsut allagartaannut allagartanut malittarisassat malippaat.

Imm. 2. Ingerlatsiviup maleruaqqusai pituttuisuupput nalunaarsuummik pisimasumut. Taassuma naammagalugu atortariaqarpaa akerliunerit aktiat allagartaat imaluunniit pigineqataanermut allagartaq ingerlatsivimmi pigineqataanermut pisinnaatitsinngimmat, nalunaarsuutit atuukkunnaarmata.

Imm. 3. Nalunaarsuutit kisiisa immikkut nunneqarpata, iluanaarutit aalajangersannginnerini, §§ 14 aamma 15 atussanngillat.

Imm. 4. Nalunaarsuutit aktiat allagartaannut imaluunniit piginneqataanermut allagartaq ilanngullugit nuunneqarpata, pisassalik nalunaarsuutitut pisinnaanerulingilaq aktiat allagartaannut imaluunniit piginneqataassutitut tunngasunit.

Imm. 5. Nalunaarsuutini akiliutip aalajangersimasup nalunaarsuummi piffissami aalajangikkami akilerneqartarfiani, aalajangersagaq § 23, imm. 4, taamatuttaaq atuutissaq.

§ 25. Ernianut iluanaarutinullu nalunaarsuut malillugu pisassarisat atuukkunnaassapput nalunaarsuut periarfissarititaasumit kingullermit ukiut 3-t kingorna akiligassatut saqqummiunneqarsimanngippat imaluunniit periarfissarititaasup sivitsukkap naanerani nalunaarsuutit piginnittunut qularnaakkani. Ukiuni pingasuni periarfissaqartitaaneq sivitsorneqarsinnaanngilaq.

Imm. 2. Periarfissarititaasup naannginnerani akiitsulimmik nalunaarsimasup nalunaarsuutini tammarsimasut, aamma piginnittuunini akuerineqarsinnaasunngortinniaraa, periarfissarititaasup kingorna piumasarisinnaavaa aningaasat amerlassusiat nalunaarsuummittoq akilersinniarlugu. Piumasaqaat nutaanngilissaaq inatsimmi nr, 274 decembarip 22-anni 1908-mi malittarisassat malillugit.

Kapitali 3

Akiitsut allagartaat nalinginnaasut

§ 26. Kapitalimi matumani malittarisassat atuuttassapput taamaallaat akiitsut allagartaannut nalinginnaasunut, tamatumani paasineqassallutik akiitsut allagartaat atsiorsimasut § 11, nr. 3-mut 4-mullunniit atanngitsut.

§ 27. Akiitsut allagartaat nalinginnaasooq pigisassatut qularnaveeqqutitullunniit nuunneqarpat piginnilersooq nuussisumit pisinnaanerussanngilaq, imaassimanngippat inatsisiliornermi malittarisassat allat immikut ittut minineqarput.

§ 28. Nuussisumut pisassarisat akiitsullip pisassat ilanngullugit naatsorsuinnermut atorsinnaavai, imaassimanngippat piumasaqaat pissarsiarisimagini nuussinermut tunngasunik paasisaqanermi ilimasunnermilu nalaani. Piumasaqaat tamatumaa nalaani killissamigut qaangiuttooreersimaguni taamaattoq taamaallaat akiligassat ilanngullugit naatsorsuinnermut atorsinnaapput, tamanna akiitsut allagartaasa piumasaqaatigenerat killissarititaq piffissami nalaarpassuk.

§ 29. Akiitsut allagartaat nalinginnaasooq pigisassatut qularnaveeqqutitullunniit, immikkut atuuffittut, nuussisumik akiliilluni pisussaajunnaarsitsisumik, taassuma nalunngissimappagu, taanna akiliummik tiguisinnaajunnarsimasooq, imaluunniit pissutsit piumasaqaatitaannut sissuersimanngippat.

§ 30. Akiitsulik akiitsut allagartaannik nuussiffiusimasumut pigisassatut qularnaveeqqutitullunniit akiliisimappat, tamatumaa akornusinnigilaa nuussinerup atuutinnginneranik pisinnaajunnaarnera. Akiitsulilli pisinnaajunnaassanngilaq tamanna nalunngissimaguniuk tunngavissaqartumillunniit pasillitigisimallugu, aamma atorsinnaanngilaq nuussineq § 17-imi taagorneqartunik tunngaveqartumik atuutinngippat.

§ 31. Akiitsut allagartaannik nalinginnaasumik pigisassatut qularnaveeqqutitullunniit nuussineq nuussisup akiligassaqarfiinut atuutissanngilaq, imaassimanngippat akiitsulik nuussisumit piginnilersumillunniit nuussineq pillugu paasitinneqarsimasooq.

Imm. 2. Pisasaqartup akiitsut allagartaat assigiinngitsunut arlalinnut nuussimappagu, kingusinnerusukkut piginnilersooq allanngussaaq, akiitsulik aatsaat namminerminut piginnilersumullu nuussinermik paasitinneqarnermi ajunngitsumik siunertaqarsimappat.

Imm. 3. Niuernermik ingerlatsivik imaluunniit naatsorsuuserisutut ingerlatsivik allatut ittoq ingerlatsiviup pisassarisai akilerneqarsimanngitsut ilagitillugit nuunneqalerpat, malittarisassat tamakku atorsinnaapput taamaallaat nuussineq qulaarnaakkatut pisimappat.

Imm. 4. Akiitsut allagartaat immikkut issusia kinguneqassappat, akiitsullip piginnittup saniatigut allanik akiliilluni pisinnaaneerutinnginneranik, nuussineq atuutilissaaq nuussisup akiligassaqarfiinut, piginnilersup akiitsut allagartaat tigummilersimappagu. Pisasaqartup pisassat assigiinngitsunut arlalinnut nuussimappagit, piginnilersooq kingulleq sallinngussaaq, akiitsut allagartaat ajunngitsumik siunertaqarluni tiguisimaguniuk.

Kapitali 4

Aningaaserivimmiititanut tigusanut akissaatinut allattaaviit

§ 32. Akissaatinut allattaaviit isertitanut uppersaaitut aningaaserivinnit, sparekassinit allanillunniit isertitanik tigusarnermik nalinginnaasumik suliaqartunit atuutsinneqartut, inatsimmi matumani kapitalini 1-imi 3-milu malittarisassanut atapput, imaassimangippat allatigut §§ 33 aamma 35 atortinneqartut.

§ 33. Aningaasanut akissaatinut allattaavinniittunut isumaqatigiissut akilerneqassaaq kimullunniit mappersakkanik nassarlutik orniguttunut, akissaatinut allattaavinnik atuutsitsisuata taamaallaat patsisigisinnaavaa akissaatinut allataavinni takulertoruminartumik nalunaarsimappat.

Imm. 2. Tigumminittumut akuerisaanngitsumut akiliineq pisinnaajunnaarsitsinngilaq, taassuma kontomik piginnittup aqqa nalunaarsimangippagu. Pissutsit immikkut itut pisariaqartilerpassuk orniguttoq piumaffigineqassaaq mappersakkaniit tigusisinnaanermut pisinnaatitaaffimminik uppersaqqullugu.

§ 34. Akissaatinut allattaavinnik pigisassatut imaluunniit qularnaveeqqutitut nuussisup akiligassaqarfiinut nuussineq atuutilersinnaavoq aatsaat akissaatinut allattaaviup atuutilersitsisuata nuussineq nammineq naatsorsuutimini kontomi allasimappagu piginnilersumullu nalunaarutigalugu, kontomi aningaasat qassit ikineqarnersut. Kontomik piginnittumit nalunaarneq piumasarineqapat, mappersakkallu atuulersitsisumut saqqummiunneqarpata, taassuma pisuussaaffigaa nalunaarsuineq piginnilersumullu nalunaarutiginninneq, immaassimangippat atulersitsisup ileqqoreqqusaasa nuussukkanik nalunaarsuineq pisussaatinngikkaat.

Imm. 2. Akissaatinik allattaavinnik piginnittup allataavinnut pisinnaatitaaffik assigiinngitsunut arlalinnut nuussimappagu, piginnilersoq kingulleq salliutinneqassaaq, pisinnaatitaanini kontomini nalunaartikkuniuk tamannalu pillugu ajunngitsumik siunertaqartumik nalunaarfigineqarluni.

Imm. 3. Tigumminittunt tamanit allataavinnit tigusisoqarsinnaassappat, ilanngullugu piumasarineqarpoq piginnilersup akissaatinut allattaavik tigummissagaa.

§ 35. Akissaatinut allataavinnik atuutilersitsisup piumasarisinnaangilaa pisassat ilanngullugit nuussisumut naatsorsuosiornissaq, taassuma piginnilersoq § 34 malillugu nalunaarfigisimappagu. Aamma atuutsissinnaangilaa aningaasat akiitsorinagit, imaassimangippat piginnilersup tamanna nalunngikkaa imaluunniit tunngavissaqartumik pasillitigisinnaagaa.

Imm. 2. Atulersitsisup atuutsitsinikkut akissaatinut allattaavilisartumut akiliisinnaanini atorsimaguniuk nalunaarsuineqaraluartilluguluunniit tigummisaqartumut akiliisinnaanini piginnassavaa, allatut isumaqatigiissusiortoqarsimangippat.

Kapitali 5

Akiitsut allartaannik amerlasuunik nalunaarsuineq

§ 36. Kapitalip matuma malittareqqusai makkununga atuupput:

1. Akiitsut allagartaat amerlasuut, tassaasut pigisat nuunneqartut akiitsoqarfiginerinut allagartaat oqaatigigaallu atikkut nalunaarneqarsinnaallutik.
2. Akiitsut allagartaat amerlasuut inatsisip atuuttussanngunnginnerani atuutilersimasut, maannamutulli peqqussut juunip 21-anni 1844-immersoq malillugu nalunaarsimasussat.

§ 37. Akiitsut allagartaat naatsorsuunneqartarpoq atikkut nalunaarsimasutut, inummut aalajangersimasumut sammitinneqarsimagaangami, imaluunniit akiitsullip nalunaaqutsersimagaangagu atermik nalunaagaasimasoq. Ateq akiitsut allagartaanni ivertillugu allasimasariaqanngilaq.

Imm. 2. Akiitsut allagartaat naatsorsuunneqartarpoq tigummisumut nalunaarsimasutut, akiitsullip nalunaaqutsersimagaangagu tigummisumut nalunaarsimasoq.

Imm. 3. Akiitsullip nalunaaqutaata takutippaa, akiitsut allagartaanni nalunaarsuutaaniittoq ivertinneqarsimallunilu pisinnaasup aqqanik imaluunniit nalunaarlugu akiitsut allagartaat tigummisumut nuunneqarsimasoq.

§ 38. Akiitsullip akiitsut allagartaat inummut, nalunaarsimangitsumik nuussinermut pisinnaanermik tapersiutaasumik atermik nalunaaqutsersimangikkuniuk, pisinnaajunnaassanngilaq, takuneqarsinnaalerpat piginnittutut nalunaarsi-

masumit nuussineq ilumoortuunngitsuusoq. Akiitsullip akilerumanngissinnaavaa, pisinnaanermik nalunaarsimanngitsumik nuussineq.

§ 39. Akiitsut allagartaata pigisassatut imaluunniit qulanaveeqqutitut nuunneqanerani malinneqassapput § 14-imi malittarisassat makkuninnga allannguutillit:

Imm. 2. Akiitsut allagartaat nuunneqarnermi nalaani piginnittup ataani atermik allaasumik nalunaarneqarsimappat, pissarsisup siullermik pisinnaaneq nalunaarsimasoq, aamma pisinnaaneq annaaneqanngilaq pissarsisup nalunaaqut-siummik nalunaarut tigisitinnagu nalunngilersimappagu nuussisoq akiitsut allagartaannik ingerlatsinissamut pisinnaanngitsoq.

Imm. 3. Nalunaaqqusiummik nalunaariveq nuussineq sioqqullugu peerneqarsimasoq akornutaanngilaq pissarsisup akiitsut allagartaannik piginninnermut pisinnaaneranik, imaassimangippat tassuma isikkua pasinarqartoq.

Imm. 4. Akiitsut allagartaat nuussinermik nalunaaqqusiummik ilumoortumik nalunaarsimasoqarpat, tamatuma pissarsisup pisinnaaneranut akornusiinngilaq, nuussinert pisussat ataqatigiinngippata.

§ 40. Inuup aqqa akiitsut allagartaanni nalunaarsimasup akiitsulimmut nalunaarutigippagu akiitsut allagartaat namminerminit aallaaveqartoq, akiitsullip inuup allap piumasaa malillugu nutaamik nalunaaqquseqqullugu, aamma akiitsulik pisinnaaneerutissanngilaq akiitsut allagartaat akilissallugu imaluunniit tunniutissallugu nalunaarsuutit pappiarartaat nutaaq inummut tigummissumut eqqunngitsuusumut.

Imm. 2. Nalunaarutiginnittup najugaa akiitsulimmut nalunaarutigineqanngippat aamma tassumanga nalunnginneqanngippat, nalunaarut akuersarneqassanngilaq. Nalunaarutiginninnerup sunniutaa atorunnaassaaq akiitsut allagartaannik tigummissup akiitsup allagartaannik ingerlatsinissamik pisinnaanini pigilissavaa aalajangersarneqartoq nalunaarutim imaluunniit inaarutaasumik taassuma oqartussaaneratigut. Nalunaarutiginnittuq nunami allami najugaqarpat nalunaarutiginninnerminilu nunami maani sinniisissaminik toqqaasimangippat, suliaasaq nunami maani suliarineqarsinnaassaaq nalunaarut sumiissanersoq toqqarlugu.

Imm. 3. Tigumminnittoq nalunaarsimappat, namminerli nalunaarutiginnittumi qaammatit pingasut nallertinnagit suliaassanngortitsiومانani, akiitsulimmit akuerineqannginnermi kingorna pissuseq akiitsut allagartaat akiitsulimmut saqqummiunneqarsimammat, pinaveersimatinnngilaa taassuma atortussaajunnaarsitsinera, takuneqarsinnaalpat akiitsut allagartaannik nalunaaruteqartoq sumiiffississallugu ajornartoq.

§ 41. Nuussinernik ilumuunngitsunik nalunaarutiginnittarnermik ulorianaat annikillisarniarlugu akiitsullip pisussaaffigaa justitsministerip aalajangererit annertussusia apeqquataatillugu, nalunaarutini patajaalluni nakkutiginnineq nalunaarutigineqartumik pineqartumik allakkatigut saqqummiussilluni, tassani akiitsut allagartaanni siornatigut nalunaarutigalugu, sumiiffialu akiitsut allagartaanni nalunaarlugu imaluunniit allatigut takulertorneqarsinnaanngorlugu.

Imm. 2. Annerpaamik 1 kronemik akiliilluni akiitsut allagartaannik atikkut nalunaarsimasunik pisup nalunaaqut-siummik nalunaarut allakkatigut inuttaaniinnaq tigusassatigut tunniunneqarnissaa piumasarisinnaavaa imaluunniit akiliummik pisinnaanermik atorunnarsitsineq.

Imm. 3. Nalunaarutit nassiussat akerliussutillu qaassiuernerat akiitsullip justitsministeriamut nalunaarutigisassarai.

§ 42. Nalunaaqqutsersuineri periaatsimut malittarisassat erseqqinnerusut aamma § 41-mi pissutsit pineqartut justitsministerimit aalajangersarneqartassapput erhvervs- og vækstministerimik isumaqatigiinniareernikkut.

Kapitali 6

Akiitsut allagartaasa amerlasuut aamma nalunaarsuutit pisoqanngortarnerat

§ 43. Akiitsut allagartaannut amerlasuunut pisassarisat atuukkunnaarnerminniit ukiut 10 qaangiuneranni ullormi pisoqanngortarput, taanna qaammatsiutit malillugit allakkiamik aalajangerneqarsimappat imaluunniit taassuma atorunnarnerata allannikkut tamanut nalunaarutigineqarneraniit imaluunniit akiitsulimmit atuukkunnaarsitsinermiit.

Imm. 2. Akiitsut allagartaat amerlasuut qaquguluunnit akilerneqarsinnaasut (piumasaaqateqarnikkut) pisoqanngortarput atuutilerminniit ukiut 10-t qaangiukkaangata pisoqanngortarput.

Imm. 3. Akiitsut allagartaat amerlasuut allat atuuffissamik ulluanniit ukiut 20-t qaangiukkaangata pisoqanngortarput.

Imm. 4. Periarfissarititaq sivitsorneqarsinnaavoq imaluunniit sivikillineqarsinnaavoq akiitsut allagartaanni erseqqis-sumik aalajangersaanikkut.

Imm. 5. Akiitsullip pisoqanngornerup nalaani ernianut uppersaatitut nalunaarut tigusiffigisimappagu akiitsut allagartaata pisoqanngornera atussaaq siusinnerpaamik nalunaarutip atuukkunnaaneraniit.

§ 44. Akiitsut allagartaat akiitsulimmi inissinneqasimasut (nalunaarutigineqasimasut) pisoqanngortarput aamma inissiinerup kingorna ukiut 20-t qaangiukkaangata, erniat akilerneqaratik.

§ 45. Akiitsut allagartaat amerlasuut ernianut nalunaarsuutitallit pisassalimmut pisinnaatitsinngippata aningaasat annertussusiat utertillugit akilissallugu, pisassaq pisoqalissaaq – eqqaanngikkanni § 44-mit kingunerusut – aatsaat ernianik akiliiffissatut killigititap kingorna ukiut 3-t qaangiutereerpata, tamatumunnga ernianik nalunaarsuutit saqqummiunneqartut tigusassatut pisoqalisut, erniat nalunaarsuutaannik nutaanik piumasaqaateqartoqanngikkangat, aamma taamaallaat ukiuni 20-ni piffissami tamatumani akiliiffissami erniat nalunaarsuutaannik saqqummersoqanngikkaangat.

§ 46. Pisassat erniat – imaluunniit pissarsiat nalunaarsuutaat malillugu piffissap eqqorlugu akiligassatut saqqummiunneqasimasut, tak. § 25, imm. 1 saqqummiunneqarnerminnit ukiut qulit qaangiunnerani pisoqanngortarput.

§ 47. Pisoqanngorneq unitsinneqassaaq pisassallip killigititap qaangiutinnginnerani akiitsugallip akiitsunik nassueruteqanera imaluunniit taassuminnga eqqartuussivikkut suliarititsinikkut kinguaataanngitsumik unitsinnagu isumaqatigiinissamut, eqqartuussivimmut allatigulluunniit inatsisitigut nammassinninnissamut malersorai. Akiitsullip akilersuutini unitsissimappagit tamatumani pisoqanngorneq unitsinneqassaaq piumasaqaatip allakkatigut nalunaarutigineratigut.

§ 48. Akiitsut allagartaasa amerlasuut pisoqanngornerata kingunerissanngilaa ernianik nalunaarsuutit, ullormi akiitsut allagartaata naanerani pisoqanngortut malillugit piumasaqaatit atorunnaarnerat.

Imm. 2. Pisoqanngorneq pappiarat nalillit atuuttussaaqunnaarsitaasarnerat pillugu inatsimmi § 15-imik tunngaveqartoq nalunaarutigineqassaaq allagaataasivimmut pineqartumut.

§ 49. Inuup §§ 43-mi, 44-mi imaluunniit 46-mi pisoqanngortarnermut killigitat taaneqartunik akiitsulimmut nalunaaruteqartoq pisassaminik allakkiaq tammarsimasoq, aamma piginnittuunerminik ilimanarsisitsisoq killigititap kingorna pisassat akilerneqarnisaat piumasarinnaavaa. Piumasaqaat pisoqalissaaq inatsisip nr. 274 decembarip 22-anni 1908-meersup malittarisassarititai malillugit.

Kapitali 7

Ikaarsaariarnermi aalajangersakkat

§ 50. (Piissaaq) ¹⁾

§ 51. Inatsisip kapitaliini 1-imiit 6-imut atorneqartarput aamma akiitsut allagartaanni nalunaarsuutinilu inatsisip atortilinnnginnerani atuutsitaalersimasut, imaassimangippat allat kingunerigaat §§ 52-imiit 50-imut.

§ 52. Inatsimmi §§ 1-imiit 5-imut aamma 7-imi aalajangersakkat atuussinnaapput taamaallaat akiitsut allagartaannut inatsisip atuutilereerneratigut atuuttunngorsimasunut.

§ 53. Inatsimmi § 6 atuutissaaq pisuni tamani akiliinissamut piffissarititaq inatsisip atuutilereerneratigut atuutilereangata.

Imm. 2. § 8 atuuttassaaq akiitsut allagartaannut pisoqaanerusunut, pissutsit akiitsut allagartaasa aalajangersagaannik, inatsisip atuutilereerneratigut atuutilersimasunik atuisariaqalerneq pineqaraangat.

§ 54. Inatsisip malittarisassa at allugit akiitsut allagartaat atilikkat pisoqaanerusut suliarineqassapput, soorlu inummut aalajangersimasumut sammitinneqarsimasutut imaluunniit isumaqatigiissutitut, immaassimangippat akiitsut allagartaanni ilanngunneqarsimagaangat "isumaqatigiissutaanngitsut" imaluunniit pissuseq tassunga assersuunneqarsinnaasoq. § 14-imulli taarsiullugit inatsisip malittarisassa at pisoqaanerit atuutissapput imaassimangippat akiitsut allagartaat tassaasoq akiitsut allagartaat amerlasuut imaluunniit ullormik atuutilerfissamik pilersinneqarsimasoq, inatsisip atortussanngortinnerata kingorna inississimalluni.

§ 55. § 12 atuutissaaq naak nalunaarnera inissinneqarsimagaluartoq inatsisip atuutilernera sioqqullugu.

Imm. 2. § 20-mi malittarisassaq akilersuutit akilerneqarsinnaasut nuussisumut pisussaajunnaanermik kinguneqartumik, atuutissapput taamaallaat, nuussineq pisimappat inatsisip atuutilernissaa sioqqullugu, piginnilersussap akiitsulik nuussinermik ilisimatissimangippagu.

§ 56. Erniat imaluunniit iluanaarutit nalunaarsuutaanut killigititaq pilersimappat inatsisip atuutilertera sioqqullugu, naatsorsorneqassaaq § 25 ukiunut pingasunut atuutilersitsinerminngaanniit. Pisassalli pinngitsooratik atorunnaasapput, inatsisip maannamut atuuttut malillugit atorunnaarsimassagamik.

§ 57. Akissaatinut allataavinnut inatsisip atortilinninnerani atuutilersinneqarsimasunut atuutilersitsisup § 33, imm. 1 aporfiginagu patsisigisinnaavai nammineq maleruaqqusamini imaluunniit ingerlatsivimmi piumasaqaatini aalajangersakkat, taakku akissaatit allattuiviini ilanngunneqarsimappata. Atuutilersitsisulli akissaatinut allattuiviit inatsisip atuutilertera kingorna siullermik namminerminut saqqummiunnerani allattuiviit nalunaaqutsiivigisariaqarpai § 33 imm. 1-imi taaneqartut naapertorlugit.

§ 58. Peqqussut juunip 21-anni 1844-meersoq atuutissaaq nalunaarsuinermi tamani, inatsisip matuma atuutilertera peqqussut malillugu pisimasoq. Piginnilersorli pisinnaalissaaq § 39, imm. 1 aamma 2 malillugit, tamani nalunaagaq patsisigisani pisimappat inatsisip atuutilertera kingorna, assigalugu § 39, imm. 3 tamani atuutissaaq nuussineq pisimappat inatsisip atuutilereernerani.

§ 59. Inatsisip atuutilereernerata kingorna ukiuni siullerni pingasuni kapitali 6 naapertorlugu pisoqangorneq atuutilersinnaassanngilaq, imaassimangippat pisassat aamma pisoqangorsimasut inatsisip qanganitsap malittareqqusai malillugit.

Kapitali 8

Inatsisini allani allannguinerit

§ 60. DL 1-23-13 aamma 14 – Savalimmiunut tungatillugu NL 1-21-13 aamma 14, - peqqussut oktobarip 6-anni 1753-imeersumi § 9, peqqussut februaarip 9.-anni 1798, peqqussut juunip 21-anni, 1844-meersoq, inatsip aprilip 6.-anni 1855-imi § 3, inatsip nr. 18 januaarip 28-anni 1871 aamma malittareqqusat immikkut ittut vekselobligationinut tunngasut atorunnaartut.

§ 61. Inatsip matuma § 2-a atuutissaaq aamma ataatsimoorullugu qularnaveeqquusiisunut.

§ 62. Inuk isumaqatigiissut malillugu aalajangersimasumik annertussisilimmik akiligassaqartoq piffissaliussami eqqortumi akiliinngikkuni, ukiumoortumik ernianut akiliissaaq, diskontomut qaqugumullunniit tamanut atuuttut aalajangikkamut naapertuuttumik 2 pct.-imik ilallugu ullormit akiitsup akilersimaffissaraluaniit. Pisassallilli akiitsulik eqqaasissavaa akiliinissamik, piumasarineqarpat akiitsullip soqutigisaanut tulluuttumik iliortoqassasoq. Tamanna sumiginnarpagu akiitsulik ernianut sivilisunaarinnermut akiliissanngilaq, piumasaq tunniunneqarsarlugu.

Imm. 2. Aningaasanik akiligassat allatigut piffissaaq eqqorlugu akilerneqangippata, akiitsullip akilissavai erniat imm. 1-imi taaneqartut ullormi pisassallip akiitsut akilernissaat pillugu eqqartuussisulersuussinerata tungaanut. Pissutsit immikkut ittut tunngavissaqartippassuk, eqqartuussiviup aalajangersinnaavaa, erniat piffissamit siusinnerusumiit imaluunniit kingusinnerusumiit atuutissasut, imaluunniit suliap ingerlannerani taamaallaat ernianik appasinnerusunik akiliisoqassasoq.

Imm. 3. Pisassalik allamik tungaveqartumik ernianik qaffasinnerusunik piumasaqassappat, eqqartuussivik tamatumunnga akissuteqassaaq. Taassuma aamma annaasanik erniat matussusinnngisaannik akiliiffigineqarnissamik pisinnaatitaaffini piginnassavaa.

Imm. 4. Inatsisitigut malittareqqusat aalajangersaasut pissutsinut immikkut ittunut ernianik kingusinaarlugit akiligasanik aalajangersaasut atuuttuurtuupput. Ernianut appasinnerusumut sammippat, akiitsaqartulli akilissavai erniat imm. 1-imi taaneqartut ullormit pisassallip eqqartuussisulersuussineraniit.

Imm. 5. Malittareqqusat qulaaniittut atuutissapput pisuni tamani piffissap akiliiffissap juulip 1.-ani 1938-meersut atulerneraniit.

Pigisat pillugit inatsisiliornerit ilaat il.il. pillugit Inatsit nr. 104 marsip 31-anneersup 1965 Kalaallit Nunaanni atuutilernissamut ikaarsariarnermullu makkuninnga aalajangersagartaqarpoq:

§ 1. Juulip 1.-anni 1965-imiit pigisat pillugit inatsisiliornermi allannguutit §§ 2-mit 5-imut taaneqartut makku Kalaallit Nunaanni atuutilissapput:

1-imiit 8-mut. (peerneqassapput)

9. Akiitsut allagartaat pillugit inatsit nr. 145 apriliip 13-anni 1938-meersoq, inatsisikkut nr. 114 marsip 31-anni 1960-immersukkut allanguuteqartitaq.

§ 2. Pisassat juulip 1.-at 1965 sioqqullugu pilersitat pisoqangussapput siusinnerpaamik juulip 1.-anni 1967.

Peqqussut nr. 586 novembarip 19-ianni 1973-imeersoq (Akiliinngitsoornermi pillaatitut erniaritit qaffasissisa allangorneri)²⁾ makkuninnga atuutilernermi aamma ikaarsariarnermi aalajangersagartaqarput:

§ 1. Inatsisini taagorneqartuni³⁾ inatsit nr. 212 apriliip 26.-anni 1973-ikkut naammassineqartoq Kalallit Nunaanni atuutilerpoq.⁴⁾

§ 2. Akiliinngitsoornermi pillaatitut erniaritit qaffasissusii allannguutillit Kalallit Nunaani atuutilerput, akiliinisamat piffissaq atulerluni 1974-imiit imaluunniit kingusinnerusukkut.

Imm. 2. (peerneqarpoq)

Peqqussut nr. 350 juulip 14-iani 1980-imeersoq (isumaqatigiissuteqartarneq il.il. pillugit inatsit, kingusinnaarluni akiliinermi il.il. erniat pillugit inatsit aamma atuisut pillugit inatsisit ilaat)⁵⁾ makkuninnga atuutilernermini aalajangersagartaqarpoq:

§ 1. Innuttaasunik pillaaarneq pillugu inatsimmi, isumaqatigiissutit il.il. pillugit inatsimmi (Aningaasarsiornermut aserorsaataasumik il.il. sulianik akerlilersuineq) § 5, imm. 3, nr. 250 juunip 12.-ani 1975-imeersumi aalajangersarneqarpoq isumaqatigiissutit pillugit inatsimmi, sillimasiisarnerit pillugit isumaqatigiissuteqartarnerit pillugit inatsimmi, akiitsut allagartaat pillugit inatsimmi, akilersuisarneq pillugu inatsimmi, sulisorisat nassaavi pillugit inatsimmi aamma atuakkiornermi eqqumiitsuliornermilu suliat inatsimmi taaneqartumi §§ 2-mi 4-milu piginneqqaartussaannermik inatsimmi Kalaallit Nunaanni atuutilerput oktobarip 1.-anni 1980.

Justitsministeriami, septembarip 11-anni 2015.

SØREN PIND

/ Helga Lund Laursen